



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՍՅՈՒՆԻՔԻ ՄԱՐԶ
ՔԱԶԱՐԱՆԻ ՀԱՄԱՅՆՔԻ ՂԵԿԱԿԱՐ

ք. Քաջարան, Լեռնագործների 4, Հեռ. 0285-3-21-81, Ֆաքս
0285-3-30-22

Ո Ր Ո Շ ՈՒ Մ

«11» ՄԱՐՏԻ 2022 թ. N-220-Ա

Գույքահարկի գումարի գանձման պահանջ ներկայացնելու մասին

Որոշման կարգավորման առարկան

Քաղաքացի Գուրգեն Մարգարյանը հանդիսանալով գույքահարկ վճարող սուբյեկտ, «Գույքահարկի մասին» ՀՀ օրենքով սահմանված կարգով չի կատարել գույքահարկ վճարելու իր պարտականությունը, ինչի հետևանքով 2022թ. փետրվարի 17 -ին «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի բ/կետով Քաջարանի համայնքապետարանի աշխատակազմում հարուցվել է վարչական վարույթ գույքահարկի գումարի գանձման վերաբերյալ քննելու օրակարգով: «Վարչարարության հիմունքների և վարչական վարույթի մասին» ՀՀ օրենքի 11-րդ հոդվածի 1-ին մասի համապատասխան հարուցված և հետագայում իրականացված վարչական վարույթի ընթացքում վարչական գործի փաստական հանգամանքների բազմակողմանի, լրիվ և օբյեկտիվ քննարկման արդյունքում պարզվեց հետևյալը.

Վարչական ակտ ընդունելու համար հիմք հանդիսացող փաստական հանգամանքները

Համաձայն համայնքապետարանի ֆինանսատնտեսագիտական բաժնի և ՃՈ Կապանի ՀՔԲ տրամադրված տվյալների՝ քննարկվող գույքը՝ OPEL CORSA 1.4I մակնիշի 04TT099 պ/հ փոխադրամիջոցը սեփականության իրավունքով պատկանում է Գուրգեն Մարգարյանին, միաժամանակ հանդիսանում է «Գույքահարկի մասին» ՀՀ օրենքով հարկվող օբյեկտ, և վճարման ենթակա գույքահարկը կազմում է 12000 ՀՀ դրամ օրենքով նախատեսված ժամկետում չվճարելու արդյունքում առաջացել է նաև տույժ 1263 ՀՀ դրամի չափով:

Ս/թ մարտի 07-ին պատշաճորեն ծանուցվել է 2022թ. մարտի 11-ին կայանալիք հարուցված վարչական վարույթի խումբի մասին/հիմք փոստային անդորրագիրը/:

Վերջինս չի ներկայացել վարչական վարույթի խումբին:

2. Պատճառաբանական մաս.

«Վարչարարության հիմունքների և վարչական վարույթի մասին» ՀՀ օրենքով սահմանված կարգով հարուցված և իրականացված վարչական վարույթի ընթացքում ապահովելով գործի փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր հանգամանքները, վարչական մարմինը հաստատված է համարում վարչական ակտն ընդունելու համար էական նշանակություն ունեցող հետևյալ փաստերը.

ՀՀ Սահմանադրության (2015 թվականի փոփոխություններով) 60-րդ հոդվածի 8-րդ մասի համաձայն՝ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Իրավահարաբերության ծագման պահին գործող «Գույքահարկի մասին» Հայաստանի Հանրապետության օրենքի (այսուհետ՝ նաև Օրենք) 2-րդ հոդվածի 1-ին պարբերության համաձայն՝ գույքահարկը սեփականության իրավունքով նույն օրենքի 3-րդ հոդվածում նշված անձանց պատկանող հարկվող օբյեկտ համարվող գույքի համար նույն օրենքով սահմանված կարգով և չափով համապատասխան բյուջեներ վճարվող ուղղակի հարկ է, որը կախված է հարկ վճարողների տնտեսական գործունեության արդյունքներից:

Օրենքի 3-րդ հոդվածի 1-ին մասի համաձայն՝ գույքահարկ վճարող են համարվում (...) Հայաստանի Հանրապետության քաղաքացիները, (...) որոնց Հայաստանի Հանրապետության տարածքում պատկանում է նույն օրենքի 4-րդ հոդվածով սահմանված հարկվող օբյեկտ համարվող գույքը (...):

Օրենքի 4-րդ հոդվածի 2-րդ մասի համաձայն՝ գույքահարկով հարկվող օբյեկտ են համարվում փոխադրամիջոցները այդ թվում՝ ավտոմոբիլային տրանսպորտի միջոցը. (...):

Օրենքի 8-րդ հոդվածի 1-ին մասի համաձայն՝ գույքահարկի գծով պարտավորությունն առաջանում է գույքահարկով հարկվող օբյեկտի կամ դրա մի մասի նկատմամբ սեփականության իրավունքի ծագման ամսվան հաջորդող ամսվա 1-ից: Գույքահարկի գծով պարտավորությունը դադարում է գույքահարկով հարկվող օբյեկտի կամ դրա մի մասի նկատմամբ սեփականության իրավունքը դադարելու ամսվան հաջորդող ամսվա 1-ից:

Օրենքի 10-րդ հոդվածի 1-ին մասի համաձայն՝ ֆիզիկական անձանց համար գույքահարկի հաշվետու ժամանակաշրջան է համարվում օրացուցային տարին:

Օրենքի 13-րդ հոդվածի 2-րդ մասի համաձայն՝ ֆիզիկական անձինք գույքահարկի տարեկան գումարը նույն հոդվածի 3-րդ մասով սահմանված կարգով համապատասխան բյուջե են վճարում մինչև հաշվետու տարվա դեկտեմբերի 1-ը ներառյալ, բացառությամբ նույն հոդվածի 4-րդ մասով սահմանված դեպքի:

Օրենքի 17-րդ հոդվածի 1-ին մասի համաձայն՝ նույն օրենքը խախտելու համար գույքահարկ վճարողները, (...) պատասխանատվություն են կրում Հայաստանի Հանրապետության օրենսդրությամբ սահմանված կարգով:

ՀՀ հարկային օրենսգրքի 401-րդ հոդվածի 1-ին մասի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ:

Այսպիսով, Գուրգեն Մարգարյանը հանդիսանալով գույքահարկ վճարող սուբյեկտ, օրենքով

սահմանված կարգով չի վճարել սեփականության իրավունքով իրեն պատկանող OPEL CORSA 1.4I մակնիշի 04TT099 պ/հ փոխադրամիջոցի գույքահարկը, ինչի հետևանքով 2020-2021 թվականների համար հաշվարկված և չմարված գույքահարկի գծով հարկային ամբողջ պարտավորությունը 03.02.2022թ. դրությամբ կազմում է 13263 ՀՀ դրամ, որից ապառք՝ 12000 ՀՀ դրամ, տույժ՝ 1263 ՀՀ դրամ:

3. Եզրափակիչ մաս.

Հաշվի առնելով վերը շարադրված հիմնավորումները և ղեկավարվելով «Տեղական ինքնակառավարման մասին» ՀՀ օրենքի 35-րդ հոդվածի 1-ին մասի 24-րդ, 38-րդ հոդվածի 1-ին մասի 3-րդ, 4-րդ կետերով, իրավահարաբերության ծագման պահին գործող «Գույքահարկի մասին» ՀՀ օրենքի 14-րդ հոդվածի 3-րդ մասով, ՀՀ հարկային օրենսգրքի 401-րդ հոդվածով և «Վարչարարության հիմունքների և վարչական վարույթի մասին» ՀՀ օրենքի 53-61-րդ հոդվածներով՝

ո Ր Ո Շ Ո Ւ Մ Ե Մ

1. Գուրգեն Հովհաննեսի Սարգսյանից հոգուտ Քաջարան համայնքի բյուջեի գանձել 13263 ՀՀ դրամ, որպես OPEL CORSA 1.4I մակնիշի 04TT099 պ/հ փոխադրամիջոցի համար վճարման ենթակա գույքահարկի գումար, որից ապառք՝ 12000 ՀՀ դրամ և պարտավորությունը չկատարելու արդյունքում հաշվարկված տույժ՝ 1263 ՀՀ դրամ:

2. Սույն որոշումն ուժի մեջ է մտնում վարչական ակտի հասցեատիրոջը «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով իրազեկելուն հաջորդող օրվանից:

3. Դրամական պահանջները չկատարելու դեպքում սույն որոշումը կներկայացվի հարկադիր կատարման «Վարչարարության հիմունքների և վարչական վարույթի մասին» ՀՀ օրենքին համապատասխան՝ վարչական ակտն անբողոքարկելի դառնալուց հետո՝ եռամսյա ժամկետում:

4. Սույն որոշումը կարող է բողոքարկվել վարչական կարգով Քաջարան համայնքի ղեկավարին՝ դրա ուժի մեջ մտնելու օրվանից երկու ամսվա ընթացքում կամ դատական կարգով՝ ՀՀ վարչական դատարան՝ երկամսյա ժամկետում:



ՀԱՄԱՅՆՔԻ ՂԵԿԱՎԱՐ

ՄԱՆՎԵԼ ՓԱՐԱՄԱՋՅԱՆ